

佛祖歷代通載

十九

佛祖歷代通載卷第二十一

大元太祖皇帝

天竺北峯宗印講師

憲宗

慶壽海雲印簡大士

世祖皇帝上

拜劉秉忠大保參
書省事制

帝師說羯磨儀軌文

劉太保神道碑

謚劉太保文貞制

通載

帝師發思八行狀

聖旨僧道辨析

焚諸路偽道藏經碑

辨偽錄隨函序

辨偽錄序

祥邁長老奉勅撰辨偽錄一十四章自一至八

大元太祖皇帝

天竺北峯宗印講師

佛祖歷代通載卷第二十一

佛祖歷代通載卷第二十一

嘉興路大中祥符禪寺住持華亭念常集

大元

乙丑 太祖應天啓運聖武皇帝是年征西夏明年大會于

斡難河建九游之白旗共上尊號曰

成吉思皇帝都和林 觀夫

聖人出世威靈氣焰自天佑之膺命立極超今邁古

且以鳳凰在殼渥洼墮地猶自絕類離倫矧我

太祖皇帝處九五飛龍之位乎故其丕祚鴻休與

天地相為終始也

通載廿一朱

丙寅

西夏拓跋失都兒忽乾順小子仁友之子乃

仁宗姪也是年五月立 在位六年

丁卯

宋吳曦僭位於蜀凡三十八日而安丙誅之

戊辰

宋改嘉定○瑞像計二千二百年矣

己巳

金國東海侯立改年大安名允濟世宗第七子

章宗無嗣羣臣奉遺詔立之後為統石烈執

中所弒在位四年

庚午

旃檀瑞像至金國十二年十月迎赴上京禁庭供

養○罷試經科

辛未

大蒙古國號始建

西夏神宗拓跋頡頤立改年光定夏人曰
大兵以金人不救恨之遂叛

壬申

癸酉

丑
咸

金改重慶 大兵至燕京

安南主李龍翰卒子吳昂立其國後為江南

陳日照所有而傳其子威晃

金國宣宗名珣章宗庶兄執中弑東海王而迎

立之以東海至寧元年九月即位改年貞祐

在位十二年。八月大兵攻燕京

嘉定六年十二月八日天竺北峯講師入窈名宗印

字元實生益官陳氏年十五具戒謁竹菴觀公明教

道載廿一卷

二

觀之旨凡諸祖格言必誦滿千遍資教空延居座首

嘗著宗極論事理各立一性之旨印設九難宗極為

之義負通守蘇趾觀不二門以文雖簡而昧其說印

撮示機要趾即領解白帥在請居正覺颶風飄蕩僅

存截殿印守死不玄風為之心未久趾亦召還要印

偕行曰盍西還相與弘贊居東二十七年至是復反

浙右貳上竺講心觀深砭學者支離名相之病圍座

挾策主者以得士為忌玄隱雷峯毛氏庵問道者沓

至杜氏建普光一區具札迎之禪講並行法道益盛

適德歲未請印曰肄業之地思報久矣歷迂超果圓

颶
且音

砭
慮

通北禪道德之譽既行土木之績亦就海空英辭靈
山舉以自代詔可學徒五百咸服其道宿弊為之一
革寧宗聞名召對便殿上說錫髻惠行法師以營觀
室行化吳中至松江謂其徒曰吾化緣畢此乃右脇
而化

甲戌

金於四月迁汴求與大國和親。○錦帥張智以
郡降尋叛自號遼西王改年大安討平之。○

克燕京

乙亥

世祖生於八月。○大兵破潼關

丙子

二月日蝕。○川東西地震。○黎州山崩

道載廿一卷

三

丁丑

金改興定七月日食金兵犯光州李珣等禦之
漣水弓手李全自此歸即李鉄鎗也詔以為京

東路總管

庚辰

禪宗聯燈錄成

辛巳

金國五月日食

壬午

大兵自回鶻征西夏

西夏拓跋德仁是年九月立改年乾定

癸未

金國改元光九月日食。○宋行經界田糧

乙酉

宋理宗昀立改寶慶元年初名與莒榮王希璠之
子太祖十世孫也寧宗子多而不育鞠宗室子

竑
胡

詢立為太子景初皇從弟沂靖惠王柄無子嘗以宗室子賜名貴和為之後及失太子詢遂立貴和為皇子賜名竑封濟國公竑惠而輕嘗疾史弥遠專權謂異日不可容弥遠聞而惡之故陰為之計與莒幼不好弄羣兒聚嬉輒獨登高坐不動長上指以語兒曰汝曹不効此人恰一大王相似羣兒每羅拜其下遂有趙大王之號弥遠物色得之嘗取應得舉矣特旨補官竑既為寧宗子遂以與莒為沂王後賜名貴誠除邵州防禦使寧宗大漸乃白中宮以貴誠為皇子

通載廿一卷

四

改名昀宣遺詔即位進竑為濟陽郡王出判寧國寺恭聖楊后聽政事定然後徹簾壽六十一

食，又正大名守緒宣宗第三子性寬仁和

嗜書中 至癸巳年歸德府絕糧六

月奔蔡八月南北兵夾攻甲午正月禪位於

後主麟閉閣自經國亡

西夏拓跋德仁七月卒次清平郡王立

一年

丙戌

丁亥

太祖以丙戌春至西夏一歲盡克其城是年七月廿

七滅夏 上年六十矣西夏凡一十二主始繼述

以太平興國壬午起兵夏臺訖今寶慶丁亥國滅
共二百四十六年元昊於景祐甲戌自稱僑朔脩
帝號者一百九十四年

戊子 宋改紹定元年

辛丑 太宗皇帝即位

壬辰 太祖次四子統王師破汴金主遷蔡金臣崔立降大
朝遣使過宋議夾攻金

癸巳 金改天興

甲午 宋改端平元年。滅金右金九主一百二十三年

乙未 抄數中原戶計。宋天狗星墜淮安軍金棠縣其

道載廿一卷

五

聲如雷三州之人皆聞之及觀則為紅色碎石
或以為為兵戈之兆。詔集議出度牒收四介子

丙申 今封諸王上親總兵征回回國歸附。宋失四川

丁酉 宋改嘉熙

己亥 詔諭高麗。宋十月虹見

庚子 宋京師地震白氣亘天旱蝗江浙福建旱都城大
荒飢者奪食於路市中殺人以賣日未晡路無

行者

辛丑 二月三日大赦天下。宋改淳祐

丙午 定宗皇帝即位

庚戌 大朝滅遼東高麗

辛亥 憲宗皇帝即位

世尊示滅二千二百年矣

癸丑 宋改寶祐元年。大兵伐川蜀

丙辰 抄數遼東戶計。宋撥官誥度牒收換楮幣燬之

丁巳 有元慶壽海雲大士迂化名印簡山西之嵐谷寧遠

人俗宋氏微子之後父慈善信服鄉里里人稱為虛

靜先生母金源王氏祖世奉佛不仕師生於金之泰

和壬戌十二月望人品恢偉童幼神悟七歲親授以

孝經開宗明義章乃曰開者何宗明者何義親驚異

載七一卷

六

肇音擬

知非塵勞中人獲見傳戒顏公顏欲觀其根氣授以

草庵歌至壞与不壞主元在師問曰主在何處顏曰

何主也師曰離壞不壞者曰此客也師曰主肇顏吟

吟而已乃得札中觀沼公為師八歲受三歸五八十

善戒法師方十一蒙豫王恩賜納身有洪彦上座問

師曰子今受大戒了緣何作小僧師曰緣僧小故戒

說大也試問上座戒老耶小耶曰我身則老語未終

師大聲曰休生分別一日上座教僧玄師背上拍一

下待回首乃豎指示之僧如教拍師背師便豎一指

僧回舉似上座座奇之師年十二中觀聽師參問誨

之曰汝所欲者文字語言耳向玄皆心之唯身心若
枯木死灰今時及盡功用純熟悟解真實大死一場
休有餘氣到那時節瞥然自肯方與吾相見師受教
習定一日扶中觀行觀曰法燈禪師道看他家事忙
且道承誰力汝作麼生會師將中觀手一掣觀曰這
野狐精師曰啗啗觀曰更須別參師年十三時成吉
思皇帝征伐天下師在寧遠於城陷之際稠人中親
面聖顏俾師歛髻師告曰若從國儀則失僧相也蒙
旨如故自此僧有不同俗民之異也師年十八天兵
再下太師國王領兵取嵐城四衆逃難解散師侍中

觀如故觀曰吾迫棄榆女方富有春秋今此玉石俱
焚子宜逃生去師泣曰曰果無差死生有命安可離
師而希脫免乎縱或得脫亦非仁子之心也老人察
師誠確囑師曰子向玄朔漠有大回緣吾與子俱北
渡矣明日城降有清樂元帥史公天澤義州元帥李
公七哥者見師氣宇非常問曰尔是何人師曰我沙
門也史曰食肉否師曰何肉史曰人肉師曰人非獸
也虎豹尚不相食况人乎史曰今日兵刃之下尔亦
能不傷乎師曰必仗其外護者公喜甚李帥問曰尔
既為僧禪耶教耶師曰禪教乃僧之羽翼也如國之

用人必須文武兼濟李曰然則必也從何而住師曰
二俱不住李曰尔何人也師曰佛師復曰吾親教中
觀亦在於此二公見師年幼無所畏懼應對不凡即
與往見中觀二公聞中觀教誨諄諄乃大喜曰果然
有是父有是子也於是札中觀為師與師結為金石
友國王將中觀及師分撥直隸成吉思皇帝載中觀
于黃犢輕車師親執御日營採汲經年至赤城舍於
郎中張公定使臣太速不花并麻賴傳成吉思皇帝
聖旨道與摩花理國王你使人來說底老長老小長
老實是告天的人好与衣糧養活者教做頭兒多收

通載廿一卷

八

王署
師号

拾那般人在意告天不揀阿誰休欺負交達里罕行
者是時國王奉詔大加恩賜延居興安香泉院國王
署中觀慈雲正覺大禪師師寤照英悟大師所需皆
官給小長老之名自此始十九中觀將示寤有羽客
揚至慎求頌老人俾執筆代書偈曰七十三年如掣
電臨行為君通一線泥牛飛過海東来天上人間尋
不見客曰師幾時行老人曰三日後時五月廿七日
也至六月初一果無疾而寤師哀毀過札闍維收頂
骨舍利供養建塔於府之西北隅師罄所有為設齋
唯乞食者塔一夜闡空中有声召師名師瞥然有省

識
楚
諸

乃遷入三峯道院復聞人告曰大事將成行矣毋滯
此黎明策杖之燕過松鋪值兩宿于岩下目擊火大
悟自捫面曰今日始知眉橫鼻直信道天下老和上
不寐語明日至景州見本無玄和上問從何所來師
曰雲收幽谷曰何處玄師曰月照長松玄點首曰孟
八郎便恁麼玄也師諾諾趨出過洵州遇宿儒張子
真尚上人何不安住師曰河裏無魚市上取先是中
觀臨終時師問中觀曰某甲當依何人了此大事觀
囑曰賀八十玄師既入燕至大慶壽寺乃省前識於
是徑謁中和老人璋公中和先一夕夢一異僧策杖

通載廿一卷

九

徑趨方丈踞師子座既明謂知客曰今日但有旦過
當令來見老僧及晚師至引見中和笑曰此衲子乃
夜來所夢者師便問曰某甲不來而來作麼生相見
壽曰參須實參悟須實悟莫打野捩師曰某甲目擊
火迸散乃知眉橫鼻直壽曰吾此處別師曰如何表
信壽曰牙是一口骨耳是兩邊皮師曰將謂別有壽
曰錯師喝曰草賊大敗壽休去次日壽舉臨濟兩堂
首座齊下喝僧問濟還有賓主也無濟曰賓主歷然
汝作麼生會師曰打破秦時鏡磨尖上古錐龍飛霄
漢外何勞更下槌壽曰汝只得其機不得其用師便

慶
壽
勘
辨
海
雲

捷渠

掀禪床壽曰路途之樂終未到家師與一掌曰精靈
千載野狐魅者破如今不直錢壽打一拂子曰汝只
得其用不得其体師進前曰青山聳寒色月照一溪
雲壽曰汝只得其体不得其智師曰流水自西東落
花無向背壽曰汝雖善語言三昧要且沒交涉師豎
起拳復拍一拍當時丈室震動壽曰如是如是師拂
袖便出明日命師掌書記自此中和復以向上鉗槌
差別關捷種種辯驗師以無礙辯才應答皆契其悟
解精明度越前輩壽一日謂師曰汝今已到大安樂
之地宜善護持吾有如來正法眼藏祖師涅槃妙心

道載廿一卷

十

涿呂

密付於汝母今湮沒師掩耳而出即以衣頌授師頌
曰天地同根無異殊家山何處不逢渠吾今付與空
王印萬法光輝總一如出世住吳州仁智歷遷涿陽
之興國興安永慶以至大慶壽寺皆太師國王及諸
重臣之命師於室中以四無依語勸學者語具本傳
辛卯十一月受合罕皇帝宣賜師稱心自在行一日
於廊下逢數僧師問第一僧曰那裏去僧云賞花去
師便打問第二僧那裏去云札佛去師亦打問第三
僧那裏去云那裏去師亦打問第四僧那裏去僧無
語師亦打問第五僧那裏去僧云覓和上去師云覓

他作麼僧云待打与一頓師云將什麼来打僧云不
將棒来打師連打四下云這掠虛漢衆皆走師召云
諸上座衆回首師云是什麼乙未朝廷差扎忽篤侍
讀選試經僧道萬松長老嘆曰自國朝革命之来沙
門久廢講席者讀殊少乃同禪教諸老宿請師董其
事師從容對曰諸師當以斯激勵衆僧習應試經典
主上必有深意我觀今日沙門少護戒律學不盡礼
身遠於道故天龍之衛而感朝廷勵其考試也三寶
加被必不辜聖詔遂与華使相見之後其處置法度
悉從師議厦里丞相以忽都護大官人言問師曰今

四十五

通載十一卷

奉聖旨差官試經識字者可為僧不識字者悉令歸
俗師曰山僧不曾看經一字不識丞相曰既不識字
如何做長老師曰方今大官人還識字也無于時外
鎮諸侯皆在聞師之言皆大驚異丞相復曰必竟如
何師曰若人了知此事通明佛法應知世法即是佛
法道情豈異人情古之人亦有起于負販者立大功
名于世載于史冊千載之下凜然生氣况今聖明天
子在上如日月之照臨考試僧道如經童之舉豈可
以賢良方正同科國家宜以興修萬善敬奉三寶以
奉上天永延國祚可也我等沙門之用舍何足道哉

識止印臂

丞相以是言告于大官人乃從而奏聞由是雖考試亦無退落者蒙聖旨悉依太祖皇帝存濟聽僧如故丙申有司欲印識人臂師力白于忽都護大官人曰人非馬也既皆歸服國朝天下之大四海之廣縱復逃散亦何所歸豈可同畜獸而印識哉由是印臂之法遂止初孔聖之後襲封衍聖公元措者海河後曲阜廟林之祀時公持東平嚴公書謁師師以襲封事為言於大官人師為其言曰孔子善稽古典以大中至正之道三緼五常之礼性命禍福之原君臣父子夫婦之道治國齊家平天下正心誠意之本自孔子

四其

通或廿一卷

十二

免孔子聖子孫復祀

至此襲封衍聖公凡五十一代凡有國者使之襲承祀事未嘗有缺大官聞是言乃大敬信於是從師所言命復襲其爵以繼其祀事師復以顏孟相傳孔子之道令其子孫不絕及習周孔儒業者為言亦皆獲免其差役之賦使之服勤其教為國家之用三十六丁酉正月太祖皇帝二皇后以九天鎮國大士號奉師已亥冬師再起復主大慶壽寺主寅護必烈大王請師赴帳下問佛法大意師初示以人天因果之教次以種種法要開其心地王生信心求授菩提心戒時秉忠書記為侍即劉太保也復問佛法中有安天

大授王戒法

三王
教問

下之法否師曰包含法界子育四生其事大備於佛
法境中此四大洲如大地中一微塵許况一四海乎
若論社稷安危在生民之休戚休戚安危皆在乎政
亦在乎天在天在人皆不離心而人不知天之與人
是其同別法於何行故冬其天也人也我釋迦氏之
法於廟堂之論在王法正論品理固昭然非難非易
唯恐王不能盡行也又宜求天下大賢碩儒問以古
今治亂興亡之事當有所聞也王又問三教何教為
尊何法最勝何人為上師曰諸聖之中吾佛最勝諸
法之中佛法最真居人之中唯僧無詐故三教中佛

教居其上古來之式也由是太后遵祖皇聖旨僧居
上首仙人不得在僧之前王以珠襖金錦無縫大衣
奉以師札王固留師師固辭將別王問佛法此去如
何受持師曰信心難生善心難發今已發生務要護
持專一不忘元受菩提心戒不見三寶有過恒念百
姓不安善撫綏明賞罰執政無私任賢納諫一切時
中常行方便皆佛法也師既辭行有一惡少年肆言
訕謗以佛法不足信王聞之乃召其人訓以大人之
言復以刑法罪之專使白師師曰明鏡當臺妍
醜自現神鋒在掌賞罰無私若以正念現前邪見外

魔殺之可矣然王者當以仁恕存心乃可王益敬焉
甲辰護必烈大王以珠笠奉師乙巳奉六皇后旨於
五臺為國祈福丙午奉六皇后詔師起至中途值風
疾作回奏得旨還燕丁未貴由皇帝即位頒詔命師
統僧賜白金萬兩師於昊天寺建大會為國祈福大
子合賴察請師入和林延居太平興國禪寺尊師之
札非常辛亥蒙哥皇帝即位頒降恩詔顧遇優渥命
師復領天下僧事蠲免差役悉依舊制丙辰正月奉
聖旨建會於昊天寺初二日於會中忽患風恙半身
不舉至夏初稍愈是月旭威烈大王差蒙古乃宣差

復領
僧事

通載廿一卷

十四

以金柱杖金縷袈裟段并令旨奉師求法語七月師
會諸勤齋抄所長物見數令主後事丁巳夏說偈畢
師云汝等少誼吾欲偃息侍僧急呼主事人至師告
祥泊然而逝矣即後四月初四日也世壽五十有六
茶毘獲舍利無算欽承

護必烈大王令旨建塔於大慶壽寺之側謚佛日圓
明大師望臨濟為十六世

戊午詔釋道辯析化胡經。上大駕南征

己未九月大兵自許黃州渡江征宋歲貢而退。

上崩于
釣魚山

宋改開慶元年

庚申

大元世祖聖德神功文武皇帝即位尊臨寶宸統御寰區四海混同萬邦入貢建立制度條理紀綱為子孫萬世成法寬仁愛人深信因果不言自信不化自行聖君之德蕩蕩乎民無能名焉

宋改景定元年。大朝遣郝經通好。五月十九建元中統廿七日大赦普度僧尼

辛酉

行中統鈔法平章王以道奏

癸亥

制開平府號上都。宋買公田始自浙

甲子
六

至元元年城燕建都八月十六改元大赦天下設會

度僧詔請

道載廿一卷

五

國師於彌達受思八登座授秘密戒。是年八月拜

光祿大夫太保參領中書省事制

長生天氣力裏皇帝聖旨咨爾劉秉忠氣剛以直學

富而文雖晦迹於空門每潛心於聖道朕居藩邸卿

實賓僚側聞高誼餘二十年出從遊方幾數萬里迨

子嗣服須汝計安不先正名何以壓衆宜崇師位兼

總政機可特授光祿大夫太保參領中書省事卿其

勉輔朕躬率先乃屬察朝夕之勤惰審議論之是非

凡有施為並聽裁決仰看成績別示寵章准此中統

五年八月日

乙丑

宋改咸淳元年度宗即位初名孟昶福王與芮之子理宗之猶子也理宗子多而不育鞠孟昶於宮中改名孜又改名禕立為皇子封忠王已而建儲改名璿

丙寅

大教東被已一千二百年矣

戊辰

大兵圍襄陽時呂文煥告急宋遣高連范文席赴援大兵於要害處連珠劄寨不得通。宋十月日食

己巳

帝師登思巴制蒙古字成二月頒行天下。宋之常州雞翼生距

庚午

立尚書六部。宋大旱。至元七年詔請瞻巴金剛上師住持仁王寺普度僧貧

道藏十一卷

一六

大元帝師慈蕩登思巴說根本有部出家授近圓羯磨儀軌親制序文曰原夫瞻部嘉運至四佛釋迦文如耒遺教利見也大元御世第五主憲天述道仁文義武太光孝皇帝登極也天資福惠諦信內乘普使萬邦咸歸一化雖敷天垂拱而至治無垠眷支那弘道而在躬不息欲以自佛相承師資繼踵迄今不替正戒儀軌為拳拳後善之行人俾一一恒持於淨戒精練三業堅守四儀此寔聖皇匡正佛法之睿旨也昔曰善逝與人天衆普說聲聞上教一切有部別解脫經依此採捨未得令得律儀方便羯磨儀軌此乃

聖光德師之總集也始從天竺次屆西番爰有洞達
五明法王大士薩思迦拈底達名稱普聞上足苾芻
焚思巴乃吾門法主大元帝師道德恢隆行位叵測
授茲儀軌行布中原今通解三藏比丘住思觀演說
正本翻譯人善三國聲明辯材無礙含伊驪翰林承
旨彈壓孫傳華文譯主生緣北庭都護府解二種音
法辯通辯諸路釋門總統合台薩哩都通暨翰林學
士安藏總以諸國言詮奉詔譯成儀式序本帝師親
製繪為華迹以編陳始末粗彰聊記歲月時庚午至
元七年冬至後二日序

道藏廿一朱

一七

辛未

大元國號十一月始建。興蒙古學校。宋大饑

癸酉

詔諭呂文煥。二月大兵破樊城呂文煥以襄陽降

甲戌

勅命伯顏丞相伐宋。三月宋主崩太子立四歲

劉太保
神道碑

是年八月故光祿大夫太保贈太傅儀同三司文貞
劉公薨翰林學士嘉議大夫知制誥兼修國史王磐
奉勅撰神道碑銘并序其文曰耕莘非求進之地而
伊尹阿衡釣渭非乃宦之途太公同載漢張良志從
赤松而高祖得之以輔成帝業唐李泌幼好仙術而
肅宗用之以佐定中興蓋天下之士惟自重者可與
有為而輕進者必非今噐是以古之明王取士不以

悅媚易親者為可佳而以簡遠高潔難致者為可貴
聖天子之用太保劉公其審是道歟公以高潔之資
慕空寂之教輕富貴如浮雲等功名於夢幻曷曾有
一毫榮利之念動於心乎聖天子邂逅一見即挽而
留之待以腹心契如魚水深謀密畫雖耆宿貴近不
得預聞者悉與公參決焉此其精誠胥會志意交孚
與夫渭濱之同載商邑之阿衡蓋異世而同符矣公
諱秉忠字仲晦瑞州劉李村人先世仕遼多顯貴金
初曾大父嘗任邢州節度副使秩滿身還鄉里留其
家於邢故自公大父以下遂為邢人焉大父諱澤資

性倜儻為鄉閭所重父諱潤仕本朝歷邢州錄事鉅
麻內丘兩縣提領俱有惠愛公風骨秀異志氣英爽
不羈家貧年十七為邢臺節度使府令史以養其親
幹敏精潔諸老吏咸服其能一日目按牘事有不愜
意投筆歎曰吾家奕世衣冠今吾乃汨沒為刀筆吏
乎丈夫不得志於世間當求出世間事耳即棄去隱
於武安山岩谷間草衣木食以求其志天寧寺虛照
禪師聞之遣其徒招致與披剃為僧仍以公知經書
工翰墨命掌書記後遊雲中住南堂寺值海雲禪師
被召北覲過雲中聞公博學多藝能求相見既見約

公俱行公不可海雲固要之不得已遂行既至謁今
上於潛邸一見應對稱旨自是屢承顧問及海雲南
還公懇求奔喪上賜黃金百兩仍遣使送至邢州公
持服營葬事起墳於賈村葬其祖父母父母服闋被
召復還和林公獻書陳時事所宜者數十條凡萬餘
言率皆尊主庇民之事上嘉納之甲寅歲從上征雲
南己未歲從上伐宋揚濼渡濟江圍鄂州上裨武英
斷每臨戰陣前無堅敵而中心仁愛公嘗讚之以天
地好生為德佛氏以慈悲濟物為心方便救護所全
活者不可勝計庚申歲春上正位宸極創定朝儀立

官制改元建號一切所當施設時物之宜皆公所草
定中統五年秋八月改至元元年翰林學士承旨王
鶚奏言書記劉秉忠效忠藩邸積有歲年參帷幄之
密謀定社稷之大計忠勤勞績宜被褒榮今聖明寓
極萬物維新秉忠猶以野服散號蕭條間窅守其初
心深所未安宜與正其衣冠崇以顯秩實遂衆望上
覽奏欣然嘉納即日命有司備禮用授公光祿大夫
位太保參領中書省事選聘侍講學士竇默次女為
夫人賜第於奉先坊給少府宮籍監人戶甚衆公齋
居蔬食終日澹然與平昔畧不少異至元十一年扈

後至上都居南屏山之精舍秋八月壬戌之夜儼然
端坐無疾而薨享年五十有九訃聞上嗟悼不已謂
羣臣曰秉忠三十餘年小心慎密不避艱危事有可
否言無隱情又其陰陽術數之精占事知來若合符
契惟朕知之他人莫得預聞也遣禮部侍郎趙秉溫
護其喪還大都以冬十月壬申葬欽營葬一切所須
皆出內帑十二年春正月詔贈太傅儀同三司下太
常議謚曰文貞仍命翰林學士王磐撰碑文字臣磐
欽惟國家列聖相承咸以武功戡定禍亂龍韜豹畧
鷹揚帛視豐功偉績之臣其當紀名汗簡畫像凌烟

四十七

道載廿一

廿

者不為不多若夫輔佐聖天子開文明之治立太平
之基光守成之業者實惟太傅劉公為稱首聖天子
方在潛邸士之所以涉遠道冒風霜而至者徃徃有
所陳訴祈請干慕進用惟公獨無所求簡燕之際每
承顧問輒推薦南州人物可備器使者宜見錄用由
是弓旌之所招蒲輪之所迓耆儒碩德竒材異能之
士茅拔茹連致無虛月逮今卅年間揚歷朝省班布
郡縣贊維新之化成治安之功者皆公平昔推薦之
餘也其識度之宏遠推此一節而論亦可見其髣髴
矣又自幼好學至老不衰通曉音律精算數善推步

見占候六壬遁甲易經象數邵氏皇極之書靡不
周知初丁太夫人憂毀瘠骨立衣一弊綿裘三歲不
易及錄事公卒雖身後天空之教而服食貶損容兒
哀戚與循禮典而執通喪者蓋無少異也晚娶無子
以猶子蘭璋為嗣弟秉恕今為順天路總管臣磐謹
按中書左丞張文謙所作行狀次第其行事之實而
系以銘辭銘曰大元五葉聖運隆昌爰有異人出佐
時康不坐官府不趨朝行褐衣蔬食禪寂倘佯謀謨
幃幄罄竭忠良指陳成敗開闔陰陽洞慮婉畫鬼神
莫量扶口上天照臨萬方萬方仰德百靈効祥庭陳

三九四

通志卷二十一

世

玉帛路走梯航朝儀整肅濟濟踴踴羣賢未集庶政
允咸大經一舉衆目斯張治定功成聖眷弥彰崇資
峻秩師表侯王肇造皇家元勳是當良平佐漢房杜
興唐公不自多愈隆謙光見善必舉有能必揚陸行
滯阻與為橋梁川泛艱危與為帆槳寒而求衣燠之
裘裳饑而求食飫之腴肪門庭桃李爛煬芬芳人感
公德銘刻肝腸公施於人過即遺忘公之仁賢宜享
遐年胡為一朝蟬蛻而仙燕都南原盧溝北暝佳城
鬱鬱有墳歸然地固重泉松栢參天石爛松枯芳名
永傳

贈儀同三司太傅謚文貞制

長生天氣力裏大福廕護助裏皇帝聖旨臣以忠孝而事上貴輸獻納之誠上以礼義而遇臣思篤始終之愛視死之日猶生之年故光祿大夫太保劉秉忠學窺天人識貫今古邃冲而有守安靜而無華昔侍潛藩稔聞高論適當三接之際懇上萬言之書蓋將舉天下而措諸安以戒為人主者過於殺朕嗣服而伊始卿盡力以居多蓋得卿實契於朕心而獨朕悉知於卿意事皆有驗人匪他求周旋三十年不避其難剴切數百奏各中其理共成庶政方圖任於舊人

劉哀公

四九

。通表廿一表

廿二

樾音遂

誰謂是天不憖遺於一老興言及此何日忘之載惟台輔之尊厥有泉扃之貴是用錫之綸命峻一品之華階樾以衮衣躡三槐之匹位復加顯號允答殊勲惟爾英靈識予哀寵可贈儀同三司太傅謚文貞准此至元十二年正月 日

乙亥

至元十二年詔諭兩淮州縣新附

宋改德祐幼主 鼎立度之子母全后謝太皇后臨朝。六月朔宋日食之既

丙子

大元天兵臨境舉國歸附正月十八日幼主謝太皇

公全后為臣於正智寺先是陳宜中張世傑奉國王術王如求嘉与蘇劉義遇共圖與復五月益王

即位於福州改景炎十一月王世強引兵至廣州○詔安
通三山宜中奉二王南行十二月

歸附軍民○九月十二日大赦

右宋前後共十六主凡三百十七年而亡

丁丑 十二月大兵逼廣州宜中奉二王抵肇慶府

勅令瀛國公往脫思麻路習學梵書西番字經○建

大聖萬安寺

戊寅 十五年正月旦設會齋僧大赦王泉等五老蒙恩得

度三月宜中奉益王由海道復入廣四月望日崩
十七日衛王即位於碭川改祥興六月世

傑奉衛王○次年正月大兵攻崖山八
至崖山○月宜中入占城至落鶴國

庚辰 十七年二月宜中奉衛王自落鶴經占城回四月復
入崖山張世傑死未幾二廣皆歸

通載法一卷

廿三

一統六月新曆成賜名
授時明年始頒行天下

帝師
行狀

大元帝師登思八是年示窈翰林學士王磐等奉勅
述行狀曰皇天之下一人之上開教宣文輔治大聖

至德普覺真智佑國如意大寶法王西天佛子大元

帝師班弥怛拔思登帝師乃土波國人也生時諸種

瑞應具詳家譜初土波有國師禪怛囉乞咎具大威

神累葉相傳其國王世師尊之凡十七代而至薩師

加哇即師之伯父也迺禮伯父為師祕密伽陀一二

千言過目成誦七歲演法辯博縱橫猶不自足復遍

咨名宿勾玄索隱盡通三藏癸丑師年十五世祖皇

帝龍德淵潛師知真命有歸馳駟徑詣王府世祖宮
闈東宮皆秉受戒法特加尊禮戊午師二十歲釋道
訂正化胡經憲宗皇帝詔師剖析是非道不能答自
棄其學上大悅庚申師年二十二歲世祖皇帝登極
建元中統尊為國師授以玉印任中原法主統天下
教門舜帝西歸未朞月召還庚午師年三十二歲時
至元七年詔制大元國字師獨運摹畫作成稱旨即
頒行朝省郡縣遵用迄為一代典章升號帝師大寶
法王更賜玉印統領諸國釋教旋又西歸甲戌師年
三十六歲時至元十一年皇上專使召之歲杪抵京

詔制大元國字

道載廿一卷

十四

王公宰輔士庶離城一舍結大香壇設大淨供香花
幢蓋大樂仙音羅拜迎之所經衢陌皆結五綵翼其
兩傍萬衆瞻禮若一佛出世時則天兵飛渡長江竟
成一統雖主聖臣賢所致亦師陰相之力也為真金
皇太子說器世界等彰所知論尋又力辭西歸皇上
堅留之不可庚辰師年四十二歲時至元十七年十
一月二十二日示窈上聞不勝震悼追懷舊德連建
大宰堵波于京師寶藏真身舍利輪奐金碧無儔
至元十八年十月二十日僧道二家辯析特奉
聖旨長生天氣力裏大福廕護助裏皇帝聖旨道與

辛巳

燒道
偽經

中書省樞密院御史臺隨路宣慰司按察司達魯花赤管民官管軍站人匠等官并衆先生每在前蒙哥皇帝聖旨裏戊午年和上先生每折證佛法先生每輸底上頭教十七箇先生剃頭做了和上將先生每說謊做來的化胡等經并印板教燒燬了者隨路觀院裏畫着的石碑鐫着底八十一化圖盡行燒毀了者麼道如今都功德使司奏隨路先生每將合毀的經文印板至今藏着却不曾毀了更保定真定太原平陽河中府王祖師庵頭關西等處有道藏經板這般奏的上頭教張平章張左丞焦尚書泉總統忽都

通載廿一卷

廿五

于思翰林院衆學士中書省客省使都魯省宣使苦速丁洲僧錄真藏僧判衆講主長老等張天師祈真人李真人杜真人衆先生每一同於長春宮內分揀去未如今張平章等衆人回奏這先生家藏經除道德經是老子真實經自其餘皆後人造作演說多有詆毀釋教偷竊佛語更有收入陰陽醫藥諸子等書徃徃改易名號傳註訛舛其本真偽造符呪妄言佩之令人商賈倍利夫妻和合有如鴛鴦子嗣蕃息男壽女貞誑惑萬民非止一端意欲貪圖財利誘說妻女其有教人非望佩符在臂男為君相女為后妃

入水不溺入火不焚刀劍不能傷害等語及令張天師祁真人李真人杜真人試之於火皆未哀請俞自稱偽妄不敢試驗今擬得除老子道德經外隨路但有道藏說經文并印板盡宜焚去又據祁真人李真人杜真人等奏告據道藏經內除老子道德經外但係後人捏合不實文字情願盡行燒毀了俺也乾淨准奏今後先生每依着老子道德經裏行者如有愛佛經的做和上玄者若不願為僧娶妻為民者除道德經外說謊做來的道藏經文并印板盡行燒毀了者今差諸路釋教泉總統中書省客省使都魯前去

鑄傳全

聖旨到日不以是何官吏先生道姑秀才軍民人匠鷹房打捕諸色人等應有收藏道家一切經文本處達魯花赤管民官添氣力用心拘刷見數今晚分付差去官眼同焚毀更觀院裏畫着的石鑄着的八十一化圖盡行除毀了者自宣諭已後如有隱匿道家一切說謊捏合毀謗釋教偷竊佛語窺圖財誘說妻女此誑惑百姓符呪文字及道家大小經文若所在官司不添氣力拘刷與隱藏之人一体要罪過者外民間諸子醫藥等書自有板本不在禁限准此至元十八年十二月二十日

壬午十九年賜文天祥死○甲申正月六日大赦
乙酉二十二年丞相後戕

聖旨焚毀諸路偽道藏經之碑翰林院臣唐方楊文

王構趙興李謙閻復李鑄李盤王盤奉勅撰

正奉大夫樞密副使臣商榘奉勅書光祿大

夫中書左丞相監修國史臣耶律鑄奉勅篆額

至元二十一年三月初三日詔遣資德大夫總制院

使兼領功德使司事相哥諭翰林院戊午僧道持論

及至元十八年十月二十日焚毀道藏偽經始末可

書其事于石臣監等謹按釋總統合台薩哩所錄事

四六

通志卷二十一

廿七

迹昔在憲宗皇帝朝道家者流出一書曰老君化胡成佛經及八十一化圖鏤板傳布其言鄙陋誕妄意在輕蔑釋門而自重其教闕賓大師蘭麻總統少林長老福裕以其事奏聞時上居潛邸憲宗有旨令僧道二家同詣上所辯析二家自約道勝則僧冠首而為道僧勝則道削髮而為僧僧問道曰汝書為諭化胡成佛且佛是何義道對曰佛者覺也覺天覺地覺陰覺陽覺仁覺義之謂也僧曰是殆不然所謂覺者自覺覺他覺行圓滿三覺圓明故號佛陀豈特覺天地陰陽仁義而已耶是時上特語近侍曰吾亦先知

仁義是孔子之語謂佛為覺仁覺義其說非也道士
又持史記諸書以進欲出多說僥倖取勝帝師板的
達登合師八曰此是何書道曰前代帝王之書上曰
汝今持論教法何用攀援前代帝王帝師曰我天竺
亦有此書汝聞之乎對曰未也帝師曰我為汝說天
竺頻婆羅王贊佛偈曰天上天下無如佛十方世界
亦無比世間所有我盡見一切無有如佛者當其說
是語時老子安在道者不能對帝師又問汝史記有
化胡之說否曰無又問老子所傳何經曰道德經曰
此外更有何經曰無道德經中有化胡事否曰無帝

四十六

通鑑廿一卷

廿八

道士
削髮
為僧

師曰史記中既無道德經中又無其為偽妄明矣道
者辭屈尚書姚樞曰道者負矣上命如約行罰遣近
臣脫歡將道者樊志應等十有七人詣龍光寺削髮
為僧焚偽經四十五部天下佛寺為道流所據者二
百三十七區至是悉命歸之道教提點甘志泉所據
吉祥院其一也據而弗歸至元十七年夏四月僧人
復為徵理長春宮道流謀害僧錄廣洲聚徒持杖毆
擊僧衆自焚廩舍誣廣洲遣僧人縱火且聲言焚米
三千九百餘石他物稱是事達中書省辯其誣甘志
泉王志真款伏詔遣樞密副使孛羅及諸大臣覆按

剽器
至而

無異詞志泉志真就誅剽刵流竄凡十人仍徵所聲
言米物如其數歸之僧衆有道家偽經尚存為言者
聞諸皇太子十八年九月都功德使司脫因小演赤
奏言往年所焚道家偽經板本化圖多隱匿未毀其
道箴諸書類皆詆毀釋教剽竊佛語宜皆甄別於是
上命樞密副使與前中書左丞文謙祕書監友直釋
教總統合台薩哩太常卿忽都于思中書省客省使
都魯在京僧錄司教禪諸僧及臣等詣長春宮無極
殿偕正一天師張宗演全真掌教祁志誠大道掌教
李德和杜福春暨諸道流考證真偽翻閱兼旬雖卷

四方

通典卷二十一

廿九

帙數千究其本末惟道德二篇為老子所著餘悉漢
張道陵後魏寇謙之唐吳筠杜光庭宋王欽若輩撰
造演說鑿空架虛罔有根據詆毀釋教以妄自尊崇
復愛慕其言而竊為已有假陰陽術數以示其奧哀
諸子醫藥以誇其博往往改易名號傳註訛舛失其
本真又所載符呪妄謂佩之令人商賈倍利子嗣蕃
息伉儷諧如鴛鴦之有偶將以媒淫亂而規財賄至
有教人非望佩符在臂則男為君相女為后妃入水
不溺入火不焚刀劍不能傷害之語其偽妄駁雜如
此留之徒以誑惑愚俗自道德經外宜悉焚玄臣等

伉儷
浪去
詔呂

爐
進才

同辭以聞上曰道家經文傳訛踵謬非一日矣若遽焚之其徒未必心服彼言水火不能焚溺可姑以是端試之俟其不驗焚之未晚也遂命樞密副使李羅守司徒和禮霍孫等諭張宗演祁志誠李德和杜福春等俾各推擇一人佩符入火自試其術四人者奏言此皆誕妄之說臣等入火必為灰燼實不敢試但乞焚玄道藏庶幾澡雪臣等上可其奏遂詔諭天下道家諸經可留道德二篇其餘文字及板本化圖一切焚毀隱匿者罪之民間刊布諸子醫藥等書不在禁限今後道家者流其一遵老子之法如嗜佛者削

四十三

通志十一卷

三

髮為僧不願為僧者聽其為民乃以十月壬子集百官于憫忠寺焚道藏偽經雜書遣使諸路俾遵行之臣盤等聞老氏之為道也以清淨為宗無為為本謙冲以處已損抑以下人非有貪欲好勝之事厥後枝分派列徒屬寔盛襲訛成偽誇誕百出清淨一變而為污穢無為一變無所不為如漢之文成五利致身求僊恍惚誕幻帛書飯牛之詐黃金可成之妄一旦敗露為武帝所誅三張之徒以鬼道惑眾倡亂天下為皇甫嵩曹魏所滅宋王浮昔居上清寶錄宮與女冠為姦林靈素自稱神霄紫府僊卿穰大水不驗

注
蛙音

向之誠矯百偽以從真黜群邪而歸正有不容不嚴者焉况乎筆墨勸媯妖術誤世恣為欺誑鼓蕩群愚若不大為改革則邪說肆行枉道惑眾其如天下後世何凡天下之理有善有惡有正有邪有真有偽常混然而同處雜然而並行自非稟上聖之資誕生知之性智出庶物明照群情則紅紫之亂朱注淫之變雅是孰得而辯明之哉由是言之聖天子匡濟真圖翼扶大法之功至矣槩諸聖不可有加矣于以鑿含靈之耳目開正途之荒穢使般若之光永乎無際劫遍滿恒河沙界延洪聖壽於無疆衍餘儲君之福利

通載廿一卷

廿一

辨
偽
序

鼎祚於億萬年之久者庸有既乎是可述也臣磐等敬為之書以貽後人俾為老氏之學者有所警焉大元至元辨偽錄隨函序翰林直學士奉訓大夫知制誥同脩國史臣張伯淳撰天無私覆地無私載日月無私照辨偽錄之所云良有以也洪惟聖朝繼天立極論道經邦以佛心子育萬方以正法澤被四海至元辛卯之歲益春大雲峯長老邁吉祥欽奉皇帝明命撰述至元辨偽錄奏對天顏睿覽頒行入藏流通原其所自乙卯間道士丘處機李志常等毀西京天城夫子廟為文城觀毀滅釋迦佛像白玉觀

金未
麻被
鐵笠
二人
咸受
顯戮

復
遍滿

並為徽宗誅竄而死迨金末年復有麻被先生鍊笠
李二人以姦謀秘計出入時貴之門肆為淫污之行
咸受顯戮歷代以來若此之類不可勝數追惟禍亂
之源姦宄之本率皆假符錄以神其教託偽經以警
其俗橫肆巧誣倡為詭狀詆毀聖教寇攘內典固已
悖老氏不爭不盜之禁矣及陷刑辟皆是孽自內作
復將誰咎哉且夫釋氏之教宏闊勝大非他教所擬
倫歷百千世聖帝明王莫不尊崇東冒扶桑西極昧
谷冰天桂海山河大地昆虫草木胎卵濕化有情無
情百千萬類皆依佛蔭生息動止於天地之間故天

道藏廿一卷

廿一

企
續

上天下惟佛為尊超出乎有生之表歸極乎無碍之
真智周三界神妙諸方澤及大千功用不宰其大有
如此者慈航所至無溺不援法雨所霑有生皆潤憫
世人之沉淪幻海顛覆迷津展轉多生流連累劫將
使之脫凡企聖蠲弊崇真故神光破沉晦之門大覺
指無生之路其仁有如此何意狂謀輒形妬忌雖積
毀銷骨衆煦漂山法體圓成初無小玷辭如盲人之
毀日月何傷日月之明井蛙之小河海奚損河海之
大多見其不知量也欽惟聖天子識超四諦道慕三
乘參無象之真空傳法王之心印所以尊崇之禮版

音舍利寶塔謀占梵刹四百八十二所傳襲王浮偽
語老子八十一化圖惑亂臣佐時少林裕長老率師
德詣關陳奏先朝蒙哥皇帝玉音宣諭登殿辨對化
胡真偽聖躬臨朝親證李志常等義墮辭屈奉旨焚
偽經羅道為僧者十七人還佛寺三十七所黨占餘
寺流弊益甚丁巳秋少林復奏續奉綸旨偽經再焚
僧復其業者二百三十七所由乙卯而辛酉凡九春
而其徒竄匿未悛邪說諂行屏處猶妄驚瀆聖情由
是至元十八年冬欽奉玉音頒降天下除道德經外
其餘說謊經文盡行燒毀道士愛佛經者為僧不為

屏
丙音

四、五

通志卷二十一

三十三

僧者娶妻為民當是時也江南釋教都總統永福
楊大師璉真佳大弘聖化自至元二十二春至二十
四春凡三載恢復佛寺三十餘所如四聖觀者昔孤
山寺也道士胡提點等舍邪歸正罷道為僧者奚啻
七八百人桂冠於上永福帝師殿之梁拱間故典如
南嶽山之券為事偽者戒試嘗考之自大教西來漢
明帝迎摩騰竺法蘭二師於洛陽五嶽道士褚善信
等上表譏毀佛法當時築壇以佛道二經焚之道經
悉為灰燼佛經放光無損尊者踊身作十八變有狐
非獅子類燈非日月明之至言道士為僧者不可勝

數如寇謙之矯安崔浩惑魏太武而崔浩卒以族誅
曇謨叡之挫屈姜斌斌流於馬邑齊曇顯之愧陸修
靜唐總章元年法明辨化胡之偽勅搜聚天下化胡
經抑嘗火其書矣由古而今歷代帝王之制斯可忽
諸蓋世尊等視三界衆生猶如一子弃背大覺是子
背其父也子背其父是自昧其所天也且師老子者
道德二篇以清虛澹泊絕世弃聖立其宗隱居以求
其志條然無為尔今盜名之徒輦嘯黨援假立冠褐
峻侈宮觀苟世利養豈老氏之用心哉况老氏謂大
辨若訥大巧若拙辨者不善善者不辯勿矜勿伐抱

一為天下式而占毀佛寺竊經扇化胡之偽是若拙
若訥歟是善者不辯歟師老子而違其術亦復違其
自宗矣若嫡師於老子者則弗為也過歸未流尔雖
然麒麟之於走獸鳳凰之於飛鳥蘭蕙之於薰蕕旃
檀之於穢壤則世未有舍鳳凰麒麟之瑞蘭蕙旃檀
之馨而愜走獸飛鳥之常薰蕕穢壤之垢者人心天
理愛惡之所同也柰何菽麥未析而甘事於偽妄不
實之教復矜誕其浮諱侮慢大覺訕毀至聖而弗憚
三塗之淪溺乎斯辨偽錄之正名教造理淵奧排難
精明凜乎抗凌雲之勁操坦然履王道之正塗而隄

備後世之溺於巨浸者其為言也至矣蓋有偽則辨
無偽則無辨豈好辨哉弘四無碍之辨者邁公之德
歟言之者無罪聞之者足以戒故我皇金言喻辭曰
譬如五指皆從掌出佛門如掌餘皆如指信乎王言
如絲其出如綸明逾日月堅逾金石為萬世之龜鑑
則斯錄豈小補哉

辨
序偽

辨偽錄序蓋聞五運未形元無人物之号三才既立
乃叙尊卑之名肇分六爻始畫八卦而有書契定乎
訓章鳳篆龜圖金騰玉宇百家之異轍萬卷之分區
雖理究乎精微言殫乎物範紀情括性未出乎域中

四五

通志廿一卷

三十五

原始要終詎該於化內况乎法身無相高超於象帝
之先真諦絕稱迥出乎思議之表英猷茂實代有人
焉如意者俗姓乎延氏太原人也世傳纓冕累葉播
遷代郡目為家焉九歲落紺隨師請業玉離荆岫價
重之德彌彰桂生幽岩馨香之風遠迤阿師內窮三
藏之奧外覈九流之源名冠於中華聲聞於朝野運
談天之口施不世之才郁郁閭綺錦之文雄雄聳凌
雲之氣班馬之珠玉未可同年顧陸之文章寧堪並
駕至若莊生墨生之學黃老李老之書三清謗道之
文十異九迷之錄混元隱月之秘靈寶赤書之儀煥

若宵膺明猶指掌加以禪叅於五派傍閱於群書既有雄才特專著述運思之外汲引無窮挫邪則有吼石之功扶正則具鞭屍之德固以才侔安遠學邁生融實覺海之龍鱗廼佛門之柱礎切見全真道士者丘處機李志常史志經令孤璋等學業庸淺識慮非長並為鄙辭排毀正法擊茲布鼓竊比雷門使中下之流咸生邪見欽奉薛禪聖明皇帝發大悲心愍其盲瞽恐墮泥犁敕令製斯論耳震蕩法海摧彼詞鋒碧鷄之銳覓馳黃馬之駿爭驚狀鴻爐之焚纖翼猶炎日之煉輕冰負勝之儔於斯可見暫歸慈定已破

魔軍至元十八年十月二十日復欽奉先皇帝聖旨勅令天下偽經一時焚盡由是佛日重暉於碧漢法雲廣布於閭浮右如意所作文賦注解四經序韓文別傳性海賦等在世已傳然茲論五卷二百餘紙窮釋老之淵源分邪正之優劣蓋唱彌高而和彌寡深可媿焉余文慚綺麗學匪通圓覩斯論之嘉言欽吾皇之鴻護不勝手舞勉為斯引輒以藤綆聯彼珪璋庶博雅君子詳其致云尔大雲峯住持襲祖沙門雪谿野老貴吉祥述

大都道者山雲峯禪寺住持如意祥邁長老奉勅撰

辨偽錄五卷其畧云安立天尊偽

化云道者萬化之

於此幽玄微妙之中而生空洞空洞者真一也真一

之氣化生之後歷九十九萬億九十九萬歲乃化生

上三氣三氣相去九十九萬億九十九萬歲乃化生

德共生無上乃虛皇天尊又歷如上歲數乃生中三

氣三合成德乃生玄老即元始天尊也又歷如上歲

數乃生下三氣三合成德共生太上即太上道君也

自後又一氣復生三氣每氣相去八十一萬億八

一萬歲三合成德共生李老君雖四聖相次各不相

曰謂之獨化老君混沌之祖宗天地之父母故能分

太素太極○老君混沌之祖宗天地之父母故能分

而清濁開辨曰蓋聞龍圖鳥篆之文龜書科斗之典

玉版玉諫之記金滕金匱之書秦漢魏晉之章宋齊

梁陳之簡記事記史直筆直言靡覩虛皇之名不聞

元始之号安有手執玉圭身掛黃褐頂垂皓髮頭戴

金冠别号天尊高拱三清之上獨稱教主統御九華

之宮縱有天尊之名並是偷竊佛語古經稱佛名為

天尊不關道君之事竊他美稱妄自尊嚴取信通人

斯言謬矣案列子及易鈞命訣皆云天地未生之前

有太易有太初有太始有太素有太極說者咸云太

易者未見氣也太初者氣之始也太始者形之始也

太素者質之始也太極者質形已具混沌未分也太

極之後乃生兩儀謂之天地夫名從實生實從名起

道藏廿一卷

三十七

空而求嚮偽中起偽如趁影之尋蹤豈不思既立其名須有其体既立其体須有氏族且道虛皇元始誰人所生氏族何起居在何處若有源系出在何書若無来由即是虛設又空洞之前本無歲數今標歲數愈見虛張蓋數目起於伏羲甲子唱乎黃帝將今記古顛倒何多且上之三尊為有形耶為無形耶若是有形不在太易之上爰從父母而生須有年代時處姓氏名字前云三氣共德而生則是以氣生氣與氣不殊何有形名若是無形本無名位下第七化乃云老君以上皇元年九月二日出遊西河遇元始天尊

乘八景玉輿駕九色玄龍群仙導從手把華幡師子白鶴嘯歌邕邕同會西河之上授老君洞玄玉符此是誰耶進退兩求並無準的則知海素虛談有名無實彫冰鏤雪枉廢詞章山海之所不收大荒之所不載庸愚巧飾何足信哉老君衰周之柱史誑云混沌之祖宗避周乱而過函關安云天地之父母既自語之相戾何函矢之相攻掩耳偷鈴欲隱彌露道德章云吾有三寶寶而持之一曰慈二曰儉三曰不敢為天下先老君獻胡王妻子與胡兵格戰何有慈乎乘玉衡之輿坐金闕之內披九色離羅之衣縻九光偃

憲高
三問
出處

辨偽
第二

謚
密音

惰
業迄

鶴之蓋何有儉乎生於無始起於無目為萬道之先
作元氣之祖觀混沌之未判視清濁之未分為帝王
之師作天地之母何有不敢為天下先乎遼陽高憲
字仲常遊東京白鶴觀見三清像指其右曰此何像
也觀主對曰老君像曰何代人曰周定王時又指左
曰此何像也主曰道君像曰此何代人主倉惶未答
憲指中尊曰且饒這元始天尊聞者傳以為笑

創立劫運年号偽第三化云始則太虛之氣其氣相擊往來亂射經百億萬氣之後其氣方暢往來流行為自然之氣此偷佛書世界初成風輪下旋之事也又号弥羅萬梵之氣又經九萬九千九百九十九億氣之後結吉祥之氣成一聖人自号元始天王同時生五老五行之主其劫号延康年

通載廿一卷

三十九

号龍漢又經如上氣數乃生道君時劫号赤明年亦号赤明同時生九老分為九天又經如上氣數方生老君劫号清運年号上皇時生八公又立五運太易太初等老君乃以陰陽二氣結為混沌而分布天地萬物始辨曰蓋聞班固律歷之志史記天官之書皇備矣

甫謚之帝年陶隱居之帝紀未聞五運之前先有年号三氣之内虛立劫名既清濁之未形只是洪濛一氣何有老君元始五老九天雖竊佛主劫之名而不曉成壞之數梵云劫波此云時分時雖長短皆立劫名錯謬梵言迷惑体相釋教未未此劫但有劫殺劫賊故許慎說文云以兵惰人曰劫又魯將曹沫劫桓公於壇上求所侵地此則逼奪名劫豈有劫運之言

聃音

乎今陳此言妄竊見矣夫名位既有年号斯張將以率領萬方整齊四海混同九有同一車書天子至尊得建年号無名位者不敢立焉孔子雖然刪書定禮分辨君臣以無貴位心号素王矧乎老聃周之柱史臣子之列而草竊帝王安建年号哉况軒皇之前本無甲子黃帝臣大槐造甲子漢武之代始建年号武帝始立年号將古標古亦何偽乎或曰老子生於天地之前別立年号有何乖違答曰既在天地之上乃是太易之前世界未形君臣無跡杳然空寂唯一溟濛建立年号統領誰人乎明知偷佛莊嚴賢劫星宿

通載廿一卷

四十

之意而立此延康赤明青運之日彼明三世此約一時正同山羗偷王衣物迷惑顛倒上下失次尔下云老子生於天崗李谷字曰光明則在三皇之後何得老君以陰陽二氣結為混沌而今布天地耶首尾兩端穿鑿見矣

辨三偽

開分三界偽

第五化云天地有形之大者太上老君

清濁開闢天地運玄元始三氣而成天為三清三境即始氣為玉清境元氣為上清境玄氣為太清境又以三清之氣各生三氣合成九氣而為九天第一鬱單天第二上禪壽無量壽天第三梵藍須延天第四寂然堯術天第五波羅尼蜜不橋樂天第六洞玄化應聲天第七靈化梵輔天第八高虛清明天第九無想無愛天此九天為三十六天則三界四民上極三十七天通此九天為三十六天則三界四民上極三

清是其數也初下六天為欲界一太黃天二次一太明
 三清明天四玄胎天五天元明天六赤明天七曜天八
 天為色界一虛無天二太極天三赤明天四恭華天
 五曜明天六皇始天七靈明天八端靖天九元明天
 十極瑤天十一元載天十二太安天十三乾樂天
 四始皇天十五太黃天十六無思天十七阮樂天
 八曇誓天四禁上天此為無色界一霄慶天二元同天
 妙成天四禁上天此為無色界一霄慶天二元同天
 奕天此為種人天一出常融天二玉隆天三梵度天
 太赤天二曰與餘天三曰清微天四曰大羅天
 羅諸天極高無上玄都玉京領於其上三尊所處焉
 又太霄隱書云大道君治在玉杳金童玉女之所侍
 中玉京之上七寶玄臺金林玉杳金童玉女之所侍
 衛住居在三十三天三界之外

辨曰詳夫地軀伏羲牛首炎帝之書龍師太皞鳳紀少皞之典
 談天行論天黃之誥括地志輿地圖之圖甘氏星經

通載廿一卷

四十一

張衡靈憲不說三清之号匪聞大羅之名並是依傍
 佛經改頭換尾採他名相粧綴已書且道教之宗源
 起黃帝而老子消子列子莊周鶡冠尹文派為道教
 諸子所談並無說天之事唯是張道陵所集靈寶經
 中始說三十二天効佛神呪而作蜜言自後道書于
 相鼓唱空枝引募唯誑下俗佛教未來云何不說釋
 經廣希始唱斯名明名修靜增加三張安闡狗偷鼠
 盜何足貴乎尔雅之立四号約於四時太玄之說九
 天准於九有不似道家虛加數目天本定幹何有少
 多今各說不同顯知妄立案佛經三界三業所感總

二十八欲界有六色界十八無色有四具勝妙欲名
 為欲界形色超絕名為色界根識兩忘名無色界越
 此而玄名出生死捨今段之後身絕形名而無寄安
 有玄都之境玉京之山金童玉女交雜之事瓊輿碧
 帳之飾妄竊不真於斯見矣試問道士三界從何而
 來何功所感釋名辨相全不能知且道宗極致惟盡
 升靈寶幽微祇貪羽化難逃四相詎免五衰汎業浪
 以漂沉隨生死而輪轉縱茫茫之業識積浩浩之苦
 源長往不歸良可歎息鬱頭藍弗是其驗歟
 隨代為帝王師偽第十一卷
花子說元陽徑教伏犧叙人倫畫

通武十一卷

四十二

八卦在祝融時號廣壽子說按摩通清經教以鑽木
 出火陶冶為器在神農時號大成子說太一元精經
 教以播種五穀株和諸藥在黃帝時號廣成子教以
 抱神守靜之道在少昊時號隨應子說莊敬經教以
 鳥官為理分布九鷹以統百司在顓頊時號赤精子
 說微言帝嚳時號錄圖子說黃庭經帝堯時號務成子
 說宣化經一十二卷夏禹時號真行子說元始經六
 道德經一十二卷夏禹時號真行子說元始經六
 十卷殷湯時號赤精子說長生經二十卷周文王時
 號履邑子說赤精子說長生經二十卷周文王時
 君皆受教於老子
 然後造作群物也

辨曰夫賢之與聖名位不同古哲今人出處各異莊
 周云萬世之後一遇大聖猶旦暮過之此明聖人出
 世表瑞協祥應千年之期膺適時之運孤標特秀迥
 出常流故得帝王師之諸侯礼重萬載一遇尚為且

古聖
各有
所主
羣書
明所

暮豈有隨代而出現乎夫李耳者退靜之士史記稱
為隱君子也避亂過關葬於槐里潛身柱下本是人
臣位不躡於上階名未廁於台輔何乃擢居聖地為
帝王師論說不經駭人耳目培塿要齊於嵩華孰肯
憑焉潢洿擬廣於滄溟終難信矣豈有開闢之後萬
億餘年中間別無一人拔萃唯有老子為帝王師乎
三墳五典八索九丘孔子春秋立明國語百家異說
九流雜談並無老子為師之語唯是後代無知道士
妄撰斯言欲使老子獨高群聖美則美矣偽且偽焉
且伏犧神農皆有聖德軒皇堯舜並号明君或幼而
四、廿六
能言或生知妙道詎假老子教之然後造作群物乎
况書傳所紀古史所明燧人鑽火伏犧畫卦炎帝播
耨女媧造篁黃帝作宮室軒冕樂有咸池顓頊作六
英堯有大章舜有大韶及作圍碁禹有大夏湯有大
漢文王有辟雍武王有下武鯨作城郭蚩尤作兵器
歧伯造醫俞附脉經伶倫制律隸首作筭容成作曆
大桡造甲子奚仲作車曹胡作衣伯余作裳於則作
履共鼓作舟楫巨揮作弓夷牟作矢黃雍父作杵曰
孟莊子作鋸趙武靈王作靴蘇威公作箎暴辛作墳
后稷之孫叔均作犁蒙恬作筆蔡倫作帛夏昆吾氏

孔子列明
五帝制事

務成子

子夏
三皇
五帝
有師
跗方

作尾此皆各有其主群書所明何得自矜覽為我造
 又周易繫辭孔子所述列明古帝制造之事如云包
 犧氏之王天下也觀像於天俯察於地近取諸身遠
 取諸物始畫八卦以通神明之德以類萬物之情作
 結繩而為網罟以畋以漁蓋取諸離神農氏 為耜
 為耒以利天下日中為市交易有無乃至黃帝堯舜
 垂衣裳而天下治蓋取諸乾坤如此歷陳法易造物
 不言老子所造也竊功業標為己能銜名自高君子
 不忍又云老子在堯時為務成子者案後漢應劭風
 俗通云東方朔是太白星精黃帝時為風后堯時為
 務成子周時為老聃在越時為范蠡在齊為鴟子此則
 務成子乃東方朔非干老子明矣何得妄加鈎引稱
 老子為人師乎案魯哀公問於子夏曰五帝三皇皆
 有師乎子夏曰有臣聞黃帝學乎太真顓頊學乎綠
 圖帝學學乎赤松子堯學乎尹壽舜學乎務成跗禹
 學乎西王國湯學乎威子伯文王學乎鉸時子斯武
 王學乎郭政周公學乎太公呂望上之所叙文極分
 明而言老子隨代為帝王師何出言之狂悖哉巧言
 如篁顏之厚矣且老子衰周柱史史有明文本是人
 臣返為上古帝王之師履冠戴屨何顛狂之甚乎又

四四四

通考卷一

四十四

上文云上古之君皆受教於老子則桀紂之不作幽厲之無道秦皇之凶暴王莽之篡逆亦老子之所教也既然如是則老子為悖逆之魁首巨猾之元匠不忠不孝老子之所生不義不仁老子之所主為人師者不亦慚乎老君既說隨代為師而秦漢之下至於金朝備無一現乎今既無矣古亦虛焉且漢文恭儉孝武英明孝明達禮樂之情孝章優儒雅之道魏文帝風流文藻晉世祖明達寬仁宋文帝致治昇平梁武帝文武兼備隋高祖混同四海唐太宗混一車書此時不俟老子之化而皆金聲玉振則知牽合巧會

道藏卷之六

四十三

枉廢詞章祇可誑於閭閻難可信於達士嫫母加粉見者愈嗤隣女效顰鄉人不貴

辨偽第五

老子出靈寶三洞偽第九化云太上老君以中皇元

宮撰集靈篇以為室經三百卷符圖七千章玉訣九千篇老君於上三皇時出為萬天法師又号玄中法
師當龍漢元年授上三皇洞真經一十二部以無極之道下教人間其時人壽九萬歲於中三皇時号有
古先生當赤明元年授中三皇洞玄經一十二部行
無上真正之道以化於人其時人壽六萬歲於下三
皇時出為師号金闕帝君當開皇元年授下三皇洞
神經一十二部以太平之道化人其時人壽一萬八
千歲夫洞真洞玄洞神各一十
二部合為三十六部尊經也

辨曰夫仲尼入夢十翼之道始宣伯陽過關二篇之教方闡有名為萬物之始無名為天地之先混微妙

而同玄驚寵辱而一致谷神不死久視長生挫銳解
紛謙卑自牧此老氏之旨也自餘教典皆是偽書制
雜凡流唯尚誇競採傍佛語換体安名擬三界而立
三清做三大而立三洞虛勞紙墨妄飾詞章何以知
之漢時張道陵造靈寶經王褒造洞玄經吳時葛孝
先造上清經晉時王浮造明威化胡經鮑靜造三皇
經後改為三清經齊朝陳顯明造六十四真步虛經
梁時陶弘景造太清經隋末輔惠祥改涅槃為長安
經後事發被誅案甄鸞笑道論云道家妄注諸子三
百五十卷為道經如此詳之代代穿鑿人人妄制採

他佛教標為道書或言仙洞飛來或言老子再現群
賢不覩道士獨傳欺調時君不懼朝憲故唐琳法師
對太宗皇帝云若據肅溫衆議道家必有道德二篇
如依漢明校量便應七百餘卷約葛洪神仙之說僅
有一千准脩靜所上目中過前九十又檢玄都目錄
轉復弥多既其先後不同顯知後人妄制增加卷軸
添足篇章依傍佛經改頭換尾或道名山自出時唱
仙洞飛來何乃黃領獨知英賢罕覩典籍不記書史
無聞試問當今道士推勘後出之經為是老子別陳
為是天尊更說若也更說應有時方師資傳授為是

妄辨
師為法

何年何月何邦何代若在天而說何人傳未若在西域而談何人譯出如其有據容可流行若也妄言理須焚剪又漢晉之代僧号道士寇謙得志僭冒其名今稱法師愈為矯飾法師之号源出佛經萬卷百家本無此語且為法之師名為法師法即是師名為法師名義不知妄安已号按賢劫已未有三佛出初佛出時人壽六萬歲第二佛出時人壽四萬第三佛出人壽二萬何乃改彼三皇妄合其數又前說云上三氣中而有龍漢赤明之号是時五運尚無但唯一氣何有三皇之君人壽之數乎上古縱有五龍四姓

四、八十六

通夜世一表

四十七

九頭十紀亦無三皇建立年号試問龍漢赤明上皇開皇誰君之年乎若言有說史無明文若言無憑不可安立扣其兩端竟無一是又伏羲之前文字未有何出三洞靈寶之篇乎又十二部名源出佛經一代時教類分十二道家名義不知何以妄著己典如琢美玉擬作甌窰雖受劬勞智者見誦

窰胡
辨偽

遊化九天偽引尹喜冉冉升空初至第一於青羊大會

天帝乘九光元靈之輿蔭七元交晨之蓋建五色攝

然之道如是摩夷天梵宝天化應天不橋樂天堯率

迎禮老君請問法要所到天宫皆設瓊
漿碧醴丹液流薰蘭羞八徽靈芝瓊果

辨曰昔我世尊初成正覺不離道樹而赴諸天一身不分而遍一切即多而一即一而多猶如素月流空

影分衆水大塊噫氣萬竅怒號大小咸周遠近無隔無心頓應豈心九天陽周之柱史尹喜函谷關吏身

居下位難等聖蹤欲為己德蓋善竊者鬼神不覺既為人知非是好手離欲而獲輕舉禪定而感神通老

子既無此功何以升於天上昔列子居鄭夫妻相忘耳目不分條然絕寄心凝形釋骨肉都融然後身如

槁葉隨風東西萬里湏臾過旬乃返而莊周譏云猶有所待矧乎老耳不絕妻子老子之子名宗宗之子名注注之子名宮侍魏

牽步

未遠形亡過關乘薄牽之車道經垂有身之患詎

切車

可升天履霧駕鶴乘雲擬効牟且矜為己勝且布施而獲大福持戒而感生天汝尚不達斯由安能為天

說法欲界本六安云九天初禪純男而云玉女勾虛闡偽巧說多端且初禪已上禪悅為食定生喜樂捨

念清淨何用瓊漿碧醴蘭羞八徹乎將謂天上同於人間羨酒肉之薰羶爭魚臭之穢濁喻乎鷓鴣死鼠

便為鳳凰同食盜聽不真請杜臆說窮鄉多怪曲學多辨斯言信乎

辨七偽

偷佛經教偽

第三十化云胡王見太上徒報甚多疑見鬼魅遂積薪焚之火起衝天老君於

四世六

通志卷二十一卷

四十八

慧
醉徐

身光明火中為王說金光明經胡王益怒納之大錢
煮之三日老君錢湯之中蓮華涌出坐蓮花上說
業六根又云老君使尹喜為佛與胡王為師懺悔三
業五逆十惡乃說五戒十善并四十二章經

辨曰夫麒麟聞而日月虧鯨鯢死而彗星現銅山崩
而洛鐘應葭灰缺而月暈殘蓋感應之道交故機教
之相扣人心渴仰法雨芳菲沃彼情塵開他蒙昧故
孔子曰不憤不啓不悱不費此明待問而說也况乎
聖人設教權變多方豈使他人起怒自受焚溺全無
懽懼強與他言豈知虛往實歸之道哉刻刻字樣巧
合經名既坐火焰上說金光明經坐蓮華上說蓮花
經則道德二篇坐於道路而說洞玄三部元在水洞

道或士一

四十九

而談此既不然彼云何尔且金光明性相通顯法華
經破權歸實涅槃經明佛性真常四十二章群經集
出不窮根蒂盜聽妄談唯口起羞出何容易難惑上
智只誑下愚又上經既是老子所陳道士應宜依而
學佛何乃合氣為道專諷靈寶試問三經文明何義
道藏既不收攝道士又不通明偷大聖之至詮為老
君之極唱正符涅槃盜牛之喻又同瞽者悞入金穴
雖得其實未知何用又曰懺悔三業至年月齋法若
如是者道士應通且問懺悔是何語言今此懺悔為
事懺耶為理懺耶約功德門而滅罪邪約逆生死心

而滅罪耶能懺之心宜有幾種所懺之罪何處安排懺悔二字由尚罕知則三業六根五逆十惡戒善之軌年月齋名決不曉達若是老子所說道士應合備知既然一字不通顯知偷佛妄說此同竊賊人物被主認着猶不招承更生拒辨焚經火板方乃慚惶君子悔前不至如此

辨偽第八

老君結氣成字偽

第八化云聖紀經云太上老君昔於龍漢之年從元始天尊於中央

大福堂國說靈寶十部妙經出法度人又於東極大浮黎國出法度人以紫筆書於空青之林又於南極北離界以火煉真文瑩發字形又於西極衛羅世界成寶字大方一丈八角垂芒為雲篆之形飛鳥之狀以立文章又云墳典自我而出經籍自我而生也

通東十一

五一

王去聲

辨曰夫子字之聿興爰從上古伏羲氏之王天下也

始畫八卦造書契以代結繩之政由是文籍生焉故

蜚沸父

有青丘紫府三皇刻石之文綠檢黃繩六甲靈蜚之

籀音

字後有蒼頡目而增制大篆起於史籀小篆興於李

增字制

斯飛白創於蔡邕隸書變於程邈秦書八隸漢字六

形瘦金堆金垂雲垂露蔡葉龍爪顏躄坡書皆循古

以增成近代而改制豈假真氣而結何閔老子傳來

掩竊他能銜賣己德放舒白眼不恥清流上云龍漢

起於初氣何有老子而生既言紫筆言林乃在蒙恬

之後牽今引古欺我賢人孔安國云伏羲神農黃帝

源諸
系書

之書謂之三墳言大道也少昊顓頊高辛唐虞之書
謂之五典言常道也易則三聖方定詩則群英之言
春秋孔子所修禮則周公所定爾雅周公所纂國語
丘明所述劉熙釋名許慎說字埤蒼廣雅桂苑珠叢
顧野王之玉篇陸法言之切韻各有源系非干老聃
而言墳典自我而出經籍自我而生荒唐謬談侮弄
明哲亦猶相如上林說盧橘夏熟楊雄甘泉賦玉樹
冬積聽其言則洋洋美耳究其事則杳杳空傳矧乎
國名虛設妄採他書大福堂改大堂而取名東浮黎
彷彿乘而立号南禅黎鞏重黎而標字西衛羅竊於
迦維羅衛北方全收鬱單越名十洲所不收神異所
不攝地理無所紀括地絕形名空闡五車了無一實
偷鈴掩耳斯之謂與

道或十一卷

五十一

佛祖應代通載卷第二十一

平江虎丘住持比丘普明助刊此卷
佛光普照以無窮希祖道聯芳而益永

